

Gozuggi Specha.

Gozuggi speche skor.

Yahuda taŋ Mashikape chossi khaspa gunni i gozuggi spechabo Mashika Itamssi saŋ halam lo stoŋ nyissi sŋunla ɗia dzadte inkanbo zerranog, (Yaŋna lo stoŋ zhibgye sŋunla). Khoŋgunni zerranog, zhalchad snyiŋpe gome specha sŋabo Mozessi Griiste innog, kaboe naŋŋa i spechaboaŋ theste innog.

Mozessi i specha, dzambuliŋ taŋ jigsten dzadkanni tshir yaŋ gyalkhabgun kazuggi cuŋ, tegunni skor silkangunla sheshessi gyuntshanni phia Griiste innog. I naŋŋa Mozessi gozugs maŋpozhiŋgi skorla ɗia dzadte dug, tegun ni:

- kazuggi dzambuliŋ taŋ jigsten yaŋ tenaŋŋa yodkan tshaŋma gozugs.
- kazuggi mirigs tshaŋma cuŋkanni gozug, yaŋna Adam taŋ Hawa dzadcespo.
- kazuggi sdigpa taŋ shices cuŋkanni gozugs.
- Konchoggi thabs naŋzhin khoŋŋi zhalchad dzadkanni phorgyud gyudte, kazuggi sdigcan migun sdigpa taŋ shicessi kane skyobces gozugs.
- kazuggi denbe Konchogga ɗaŋste colkan taŋ maɗaŋskanni migun gozugs.
- kazuggi gyalkhab sosogun gozugs.

I speche naŋŋa tshaŋmesaŋ khagcan labzhabo ni, Konchoggi thabsldiŋssi naŋŋa migun tusgyunni phia sountea luste khoŋ nyampo ɗel nyemo lusshe yaŋ dzao nyemo tsogsla khoŋ sheshespo inpin. Innaŋ sdigpa taŋ shices, i jigstenni naŋŋa lebbacig, te dzaoe thundelbo chad, yaŋ khoŋgunni phia Konchoggi cinlabs tshaŋma medkan soŋ.

Teboe stiŋniaŋ Konchoggi mirigs rig shetanni sdigpa taŋ shicessi ŋan phogcesne skyobba dzadcessi thabsldiŋs dzads (Gozuggi specha 3:15). Konchoggi i thabsldiŋspo Adam taŋ hawe butsha Sed zerkanni mine cuŋkanni migsalli phorgyudgun gyudte dzads. Seddi phorgyud Noa, Abraham taŋ Yakob (Yaŋna Israel) zerkanni migun nyampo tusgyun lusshe zhalchad (Yaŋna chaddon) rig dzads. Tshaŋmesaŋ chaddon khagcanbo ni Abraham nyampo dzadkanbo innog, tebo ni mi taŋ gyalkhab tshaŋmeka khoe phorgyudbo gyudte yoŋcescanni zhalchaddi cinlabsपो inpin (Zhalchad some spechagunni, labzha naŋzhin te phorgyudbo jigstenpagunni skyabgon, Yesu Mashika innog)..

Skarma tshanma tañ jigsten dzad tshulli skor.

1:1 ne 2:4a

1 ¹ Gomarañ Konchoggi dzambuliñ tañ jigsten dzad zane, ² jigstenbo zosta medkan tañ stoñpa, chu tiñcankonḍoe gañste yañ tebo munḍiggi kabste yodpin. Yañ Konchoggi thugnyid te chui khathogga khorin snañña borra dzaddadpin.

³ Yañ Konchoggi molla dzads, "Od cuñshig" tene od cuñ. ⁴ Odpo zigste Konchog thugsthadda dzads. Testiñne Konchoggi odpo, munḍigne soso pheadzads. ⁵ Yañ Konchoggi odla nyima yañ munḍigga tshan molte miñ tagga dzads. Tene phitog budte ñamo leb, yañ tebo zhag tañpo inpin.

⁶ Yañ Konchoggi molla dzads, "Khathoggi chu jigstenni chune soso phecesla te nyiskoe parla nassazhig ḍubshig." ⁷ Konchoggi molkan nañzhin ḍub. Konchoggi khathoggi chu tañ jigstenni chui parla nassazhig ḍub cugga dzads. ⁸ Yañ Konchoggi te nassaboa nam zerte miñ tagga dzads. Tene phitog budte ñamo leb, yañ tebo zhag nyispa inpin.

⁹ Yañ Konchoggi molla dzads, "Sa skampo cuñcessi phia, nammi yogga yodkanni chugun nassa cigcigga ḍilshig." Konchoggi molkan nañzhin ḍub.

¹⁰ Yañ Konchoggi sa skampoboa sakyad yañ chu ḍilkanboa gyatsho molte miñ tagga dzads. Khoñraññi dzadkangun zigste, Konchog thugsthadda dzads.

¹¹ Tene Konchoggi molla dzads, "Sakyadboeka khazas sminkanni lcañma tañ ḍo sminkanni sñonpo tshanma skyeshig. Te saongunni rañraññi rigssi lcañma tañ stsasñonpo gun skyecugin." Konchoggi molkan nañzhin ḍub. ¹² Te sakyadboeka sñonpoe rigs tshanma smin, yañna khazassi lcañma tañ ḍo snatshogssi sñonpo, kaboe saongunni rañraññi rigssi lcañma tañ stsasñonpo gun skyein. Khoñraññi dzadkangun zigste, Konchog thugsthadda dzads. ¹³ Tene phitog budte ñamo leb, yañ tebo zhag sumpa inpin.

¹⁴ Tene Konchoggi molla dzads, "Nyima tañ tshan phecessi phia, nammi nañña odgun cuñshig. Tegun namlza, zhag tañ lo gun stancesla stagsgun gyurshig.

¹⁵ Te od nammi nañña yodkangunni jigstennika od toñshig." Konchoggi molkan nañzhin ḍub.

¹⁶ Yañ Konchoggi od tagpo nyis coa dzad, od shugcheboa nyimaa yañ shugchuññaboa tshanla od tañ cugga dzads. Khoññi skarmagunnañ coa dzads.

¹⁷ Konchoggi te odgun jigstennika ldañs tañcessi phia namkhe nañña borra dzads.

¹⁸ Tegun nyima tañ tshanla ldañs tañces yañ odpo munḍigne soso phecesla dzads.

Khoṅraṅṅi dzadkangun zigste Konchog thugsthadda dzads. ¹⁹ Tene phitog budte ṅamo leb, yaṅ tebo zhag zhipa inpin.

²⁰ Yaṅ Konchoggi molla dzads, "Chu tshaṅme naṅṅa ugs yodkanni semscan maṅpo yaṅ namkhaa cipa snatshogssi gaṅshig." ²¹ Tenna zuggi Konchoggi gyatshoe naṅṅa halasshessi semscan jigspo, chui naṅṅa ḍulkan taṅ ṣkyalkan semscan snatshogs maṅpo yaṅ shogpa yodkanni cipe rigs tshaṅma coa dzads. Khoṅraṅṅi dzadkangun zigste Konchog thugsthadda dzads. ²² Tene Konchoggi dzadkan tshaṅmala cinlabs salte mols, "Ṭugu skyeste raṅṅi ḍaṅska gyasshugshig, nyagunni gyatshoe naṅṅa, yaṅ cipagunni jigstenni naṅṅa raṅṅi ḍaṅska gun maṅpo phelcugshig." ²³ Tene phitog budte ṅamo leb, yaṅ tebo zhag ṣṅapa inpin.

²⁴ Yaṅ Konchoggi molla dzads, "Semscan snami snatshogsshig jigstennika cuṅshig, tegunla raṅraṅṅi rigssi ṭugu skyein, teboe naṅṅa ṣalkanni semscan, seka ḍulkanni semscan chuṅun taṅ nagtshogssi semscan gun innog. Konchoggi molkan naṅzhin ḍub." ²⁵ Tenna zuggi Konchoggi nagtshogssi semscanni rigs, ṣalkanni semscanni rigs, semscan chuṅunni rigs tshaṅma coa dzads. Khoṅraṅṅi dzadkangun zigste Konchog thugsthadda dzads.

²⁶ Tene Konchoggi molla dzads, "Ḍadaṅṅi ṅadaṅraṅ tsogssi mirig coin, khoṅgun ṅadaṅ tsogs yoṅin. Khoṅgunla gyatshoe naṅṅa yodkanni nya, nammi naṅṅa yodkanni ca tshaṅma taṅ nagtshogssi semscan, ṣalkanni semscan, seka ḍulkanni semscan chuṅun snatshogs tshaṅmeka waṅṣul cugshig.

²⁷ Tene Konchoggi khoṅraṅ tsogs migun coa dzads.

Denba Konchoggi tegun khoṅraṅ taṅtsogs coa dzads.

Khoṅṅi butsha taṅ bumo coa dzads.

²⁸ Tene Konchoggi khoṅgunla cinlabs salte molla dzads, "Ṭugu skyecugte raṅṅi ḍaṅska phelcug. Jigstenni naṅṅa gaṅcugste waṅṣul. Gyatshoe naṅṅa yodkanni nya, nammi naṅṅa yodkanni ca yaṅ seka ḍulkanni semscan tshaṅmeka waṅṣul." ²⁹ Yaṅ Konchoggi mols, "Stosshig, ṅe khyozhagunla zaccessi phia, jigsten gaṅpoe naṅṅa yodkanni khazassi lcaṅma taṅ saon skyekanni ṣṅonpoe rigs tshaṅma taṅste in.

³⁰ Yaṅ stsa taṅ loma ṣṅonpo tshaṅma nagtshogssi semscan, namma urkanni cipa, seka ḍulkanni semscan chuṅun taṅ ugs yodkan tshaṅmala zaccessi phia taṅste in." Konchoggi molkan naṅzhin ḍub.

³¹ Tene khoṅraṅṅi dzadkan tshaṅmala zigste Konchog thugsthadda dzads. Denba khoṅ maṣaṅṅe thugsthadda dzads. Tene phitog budte ṅamo leb, yaṅ tebo zhag ḍugpa inpin.

2¹ Tenna tshulla Konchoggi dzambuliŋ, jigsten yaŋ tegunni naŋŋa yodkan tshaŋma coa dzadcespo ɗub. ² Konchoggi dzadpe chaglas tshaŋma ɗubtsharpa, zhagma rdunpe zhagga khoŋ ŋaltshoste zhugs. ³ Konchoggi zhag rdunpaboa cinlabs salla dzadte, te zhagpo dampa thea dzads. Ciazerna chaglas gaŋpo ɗubtsharpa, te zhagga khoŋ ŋaltshoa dzadte inpin.

⁴ Tennabo dzambuliŋ taŋ jigsten dzadcessi tshirbo inpin.

Adam taŋ Hawa

2:4b ne 25

Yawa Konchoggi dzambuliŋ taŋ jigsten dzad zane, ⁵ jigstennika tabkan ya matabkanni stsa skyea medpin, ciazerna yawa Konchoggi taruŋtshagpa jigstennika charpa babs cugga madzadda inpin, yaŋ jigstennika stonthog badkanni misuaŋ medpin. ⁶ Innaŋ se naŋne chumiggi chu biŋte sakyad tshaŋma lonpa soŋ. ⁷ Tene yawa Konchoggi sakyaddi kane sa namste mizhiggi zoe naŋŋa coa dzads. Khoŋŋi te miboe snakhuŋŋi naŋŋa ɗog salkanni khoŋraŋŋi ugspo salla dzadpa, te mibo ɗog yodkanni mizhig gyur.

⁸ Tene yawa Konchoggi idan zerse nasse shar chogsla tshashig dabba dzads, yaŋ tenaŋŋa khoŋŋi coa dzadkanni mibo borra dzads. ⁹ Yawa Konchoggi tshaspoe naŋŋa lcaŋma snami snatshogs skye cugga dzads, kaboe naŋŋa ldemo taŋ khazas zhimpo chagskanni lcaŋmagun yodpin. Te tshassi skyilla ɗog salkan yaŋ ŋanpa taŋ zaŋpo sheshhugkanni lcaŋma nyis yodpin.

¹⁰ Yaŋ idanni nassane ltsaŋspo biŋste gyugkanni chui tshaspoa chu taŋŋadpin. Tshassi stiŋne te ltsaŋspobo khagzhii naŋŋa beadpin. ¹¹ Khag taŋpobo pishon zerkanni ltsaŋspo inpin, kabo khorin ser yodkanni hawile yul gaŋpoe naŋŋa gyuggadpin. ¹² Te yulli serbo gyalshog, yaŋ teru ɗizhimcanni mar taŋ rdoa ma rincan oniks zerkangunnaŋ thobbadpin. ¹³ Khag nyispabo gihon zerkanni ltsaŋspo inpin, kabo khorin kushshe yul gaŋpoe naŋŋa gyuggadpin. ¹⁴ Khag sumpabo tiɗis zerkanni ltsaŋspo inpin, kabo Asher nasse shar chogsne gyuggadpin. Yaŋ khag zhipabo Eupharatas zerkanni ltsaŋspo inpin.

¹⁵ Yawa Konchoggi khoŋraŋŋi dzadkanni mibo idanni tshassi naŋŋa stonthog badces taŋ teboa stastog cocessi phia borra dzads. ¹⁶ Yaŋ yawa Konchoggi miboa ka sals, "I tshassi naŋŋa yodkanni lcaŋmagunne, khyoraŋ thadkanni khazas zannaŋ ɗig. ¹⁷ Innaŋ ŋanpa taŋ zaŋpo sheshhugkanni lcaŋme khazaspo zaa magos, galtes zana tenna zhagga khyoraŋ shiin."

¹⁸ Tene yawa Konchoggi molla dzads, "Ṭopa medcespo mii phia gyallazhig midug, ɲe khoa zobshessi rogs cokanzhig coin. ¹⁹ Yawa Konchoggi se nyampo khoŋraŋɲi chagne dzadkanni semscan taŋ capa tshaŋmaa, ci miŋ tagdug zigssala, miboe dunla khyoŋɲa dzads, yaŋ kazug miŋ rig tagnaŋ tebo tennaboe miŋbo gyur. ²⁰ Tene miboe ʃalkanni semscan, namma urkanni ca taŋ rii semscan tshaŋmala miŋ tags. Innaŋ tegunni naŋne khoa zobsshescanni ṭopa rogs cokanzhig mathob.

²¹ Tene yawa Konchoggi miboa ma nyid lcinte yoŋ cugga dzads. Khoe zugspoe naŋne tsibmacig phiŋɲa dzadte tebo sha nyampo kabba dzads. ²² Yawa Konchoggi miboe kane phiŋɲa dzadkanni te tsibmaboa, bumozhig coa dzadte butshe dunla khyoŋɲa dzads. ²³ Tene butshe zers, "Wo! Ta i ruspabo ɲe ruspa, i shabo ɲe sha innog. Khoa bumo zerin ciazerna kho butshe kane phiŋste innog." ²⁴ Tenna gyuntshanboe phia butshe raŋɲi aba taŋ ama borte raŋɲi nama nyampo dzommanog, yaŋ khoŋ nyisko cig gyurranog. ²⁵ Tedusla butsha taŋ bumo nyisko ljernyal yodnaŋ, khoŋgun ljernyalla yodkanboeka thella medpin.

Sdigpa taŋpo.

3:1 ne 19

3 ¹ Ta rulbo ni, yawa Konchoggi dzadkanni nagtshogssi semscan tshaŋmesaŋ, skyonjan yodpin. Khoe bumoa zers, "Konchoggi tantanla, khyoraŋɲa i tshassi lcaŋma ciggi kaneaŋ khazas zaa magos molla ragga?"

² Tene bumoe rulla lantaŋs, "Konchoggi ɲazhaa, 'Tshassi naŋne khazas tshaŋma zanaŋ ɖig, ³ innaŋ tshassi skyilla yodkanni lcaŋme khazaspo zaa magos ya lagpaŋ mastse, tezug cona khyozhaa shiin' mollarag"

⁴ Innaŋ rulboe bumoa zers, "Khyozhaa shia manog. ⁵ Te khazaspo zana khyozhe mig bete, khyozhagun Konchog tsogs gyurte zaŋpo taŋ ɲanpa gun hagogespo Konchogga gyusyod pasaŋ, te khazaspo maza molte innog.

⁶ Bumoa te lcaŋmeka yodkanni khazasgun ma ldemo taŋ zhimpo yodkanbo thoŋ yaŋ te shesrabspo thobcessi dodpa yod pasaŋ, khoe khazaszhig khyoŋste zos. Yaŋ nyampo yodkan khoranɲi magpa zacesla taŋspa, khoeŋ zos. ⁷ Tennamalla, khoŋgunni migpo bete, khoŋ nyisko ljernyalla yodkanbo hagopa, phig zerkanni lcaŋme lomagan tsemste khoŋgunni zugspoe smadbo kabs.

⁸ Tene butsha taŋ bumo nyiskoa, yawa Konchog tshassi naŋɲa phitoggi silmo luŋspoe tus zhabɖulla skyodin yodkanni skad tshorpa, yawa Konchoggi

mizigscessi phia khorngun tshassi lcañme gyabba ibs. ⁹ Innañ yawa Konchoggi butshaboa bodte, "Khyorañ kane yod?" Mols.

¹⁰ Butshaboe lantañste, "Nyerañ tshassi nañña skyodcessi skadpo tshorracig, ña jigste ibspin ciazerna ña ljernyalla yodpin."

¹¹ Khorñji mols, "Sui zerrarag khyorañ ljernyalla dug zerte? Khyorañji tshassi skyilla yodkanni lcañme kane khazas, ñe maza zerkanbo ta mazospinna?"

¹² Tene butshaboe zers, "Nyerañji ña rogs coala salkanni bumoe ña te lcañme khazaspo tañspa, ñe zospinle.

¹³ Tene yawa Konchoggi bumoa, "Khyorañji ibo ci coste in" mols.

Bumoe zers, "Rulli ñaa gobskorpa ñe zospinle."

¹⁴ yawa Konchoggi rulla mols,

"Khyorañji ibo cos pasañ,

Şalkan tañ nagtshogssi semscan tshañme tone

Ñe khyorañ cigpoa chadpa taññad.

Tanepharla, namtshogpa khyorañ shi mishi

Khyorañ ðodpeka ðulin, se thalbe nañña tusgyun dugin.

¹⁵ Ñe khyorañ tañ bumo nyisko ðao gyurcugin,

Matshad khyorañji mirgyud tañ khoe mirgyuddañ ðao gyurin.

Khoe mirgyudpoe khyorañji goeka rduñste sadin,

Yañ khyorañji khoe kañpeka thamsin."

¹⁶ Tene yawa Konchoggi bumoboa mols,

"Ta ñe khyorañña tugu jorri tus

Nags mañña thoncugin,

Yañ zumo şante yonste mane khyorañña tugu miskye.

Teneañ khyorañña magpe phia maa dodpa yonjin,

Yañ khoe khyorañjika wañ coin.

¹⁷ Tene yawa Konchoggi butshaa mols,

"Khyorañji rañji name kanyante

Ñe maza zerkanni lcañme khazaspo zos.

Khyorañji zhaste, ta ñe sakyadla ñan tabbad,

Tanepharla kagspo nyampo mane

Khyorañña zacesla kharji smincug mithub.

¹⁸ Zhiññika tsermañ tañ ljañtser mañpoañ skyein,
 Yañ khyorañji seka tabkan tañ
 Matabba skyeskanni sñonpogun tsalte zen.
¹⁹ Khyorañ se nañña ðesðes tshagpala,
 Khorañji tshadpa biñbiñ las maşañte coste mane,
 Khyorañña zacesla kharji mithob.
 Khyorañ sane coste in pasañ,
 Khyorañ logste sa gyurin.

Adam tañ Hawa tshasne phiñña dzads.

3:20 ne 24

²⁰ Adam butshaboe khorañji name miñña Hawa^a tags, ciazerna kho mitshañme ama gyurin. ²¹ Yañ yawa Konchoggi semscanni pagspaa kañtse tsemste Adam tañ khoe nama skonna dzads.

²² Tene yawa Konchoggi mols, "Stossañ, ta khoñ nyiskoa zañpo tañ ñanpa sheste, ñadañgun tsogs gyurte innog. Ta khoñgunla te şog tañkanni lcañme khazaspo lente zacug magos, te mane khoñgunla thamedpe mitshe thobin. ²³ Tennaboephia yawa Konchoggi khoñgun idanni tshassi nañne philogga phiñña dzads, yañ khorañgun coskanni sakyad badte stonthog tabcugga dzads. ²⁴ Khoñgun tshasne phiñtsharte stiñne, yawa Konchoggi şog salkanni lcañmabo skyobcessi phia tshassi shar chogsla, shogpa yodkanni şuñskyobpagun tañ me barkanni raizhig yugin borra dzads.

Kayinni Abel sads.

4:1 ne 16

4 ¹ Adam tañ khoe nama Hawa nyisko dzomste, Hawa skyecesmazhig gyur. Yañ butsha Kayin zerkanbo skyespa khoe zers "Yawa Konchoggi rogs nyampo ña butshazhig jor." ² Tusbanshiggi stiñne, Hawaa Kayinni no Abel skyes. Khoñgun chenmo soñte, Abel lugsdzi yañ Kayin zhiñbadpazhig gyur. ³ Zhagshig, Kayinni khorañji stonthoggi khagcig yawaa chodpaa phuls. ⁴ Yañ Abelliañ khorañji lugkhyui nañne tshañmesañ rincan goma skyeskan lugui tshañmesañ gyalla, tshilcanni shabo yawaa chodpaa phuls. Yawaa Abelli phulkanboa thugnyessa

^a3:20 ibripe skaddi nañña yawa ni "Şog" zerkan tsogsshig tshorranog.

dzads, ⁵ innañ Kayinni samtshul tañ khoe phulkanboeka thugnyessa madzads. Tennaboephia Kayinla maşante şo yoñs yañ tebo khoe ldonñi kane şonnadpin.

⁶ Tene yawe mols, "Ciphia şo yoñnad, yañ tebo khyoraññi ldonñika ciphia stannad? ⁷ Ospa cona, ci ñaa khyoraññika thadpo michaa? Innañ galtes khyoraññi ðaņpobo coa medna, tene shañ cos, sdigpa khyorañ zumcesla khyoraññi ghoeka şuñste khyoraññika wañ coala ðaldig dug. Innañ khyoraññi khoa phamkalte khoeka wañ cogos.

⁸ Zhagshig, Kayinni raññi no Abella zers, "Yoññañ, ñadañ zhiññika chen" yañ khorñgun teru yod zane, Kayinni hunmedla raññi no Abellika spuñgol coste sads.

⁹ Stiñne yawe Kayinla ðia dzads, "Khyoraññi no Abel kane yod."

Kayinni zers, "Da gyusmed, ci ña, ñe no şuñkan innogga?"

¹⁰ Innañ yawe mols, "Khyoraññi ci coste in? Nyon, sakyaddi kane khyoraññi noe thagpoe ñaa boddug. ¹¹ Ta khyorañña ñan phogte khyoraññi noe thag thimskanni sakyadpoe khyorañ phañste in. ¹² Khyoraññi seka stonthog tabna, teboa stonthog cañ mismin. Tanepharla khyorañña dugsa medpa khyorañ sach a cigne cigga khyamin mitshe phudgosin."

¹³ Tene Kayinni yawaa zhus, "Nyeraññi ñaa chadpa kalla dzadkanbo ña khur thubcessi khyuddi sañ thalte dug. ¹⁴ Nyeraññi ña sakyad tañ nyeraññi skundunne phañña dzadte ña i jigstennika dugsa medkanni khyampożhig coa dzadpa, ñaa thugkangunni ña saddanog."

¹⁵ Innañ yawe khoa mols, "Tezug mane micha, galtes suzhiggi khyorañ sadna teboa chadpa, khyoraññi sañ ldab rdunni mañña phogin." Suzhiggiñ Kayin misadcessi phia yawe khoeka stagsshig coa dzads. ¹⁶ Tene Kayin yawe skundunne bete soñ, yañ idanni shar chogssi nassa noða yañna "Khorin dugkangunni nassa" zerse nañña dugs.

Kayinni phorgyud.

4:17 ne 24

¹⁷ Tusbanshiggi stiñne, Kayin khoraññi nama nyampo dzomste, khoe nama skyecesmazhig gyur, yañ hanog zerkanni butshazhig skyes. Kayinni gyalsazhig stsigste teboa khoraññi butshe miñ tsogs, hanog tags. ¹⁸ Hanogga irad zerkanni butshazhig yodpin. Irad ni mehujelli aba, yañ mehujel ni methushelli aba, methushel ni Lameggi aba inpin.

¹⁹ Lameggi, ada tañ zila zerkanni bumo gunla nama cos. ²⁰ Adala, jabal zerkanni butshabo skyes. Jabal ni semscan şalin, kurri nañña dugkan tañpo mibo inpin.

²¹ Khoe no jubal zerkanbo tarcanni rolmo tañ liñbu phukangunni mi tañpobo inpin.

²² Lameggi nama zilaa tabulkayin zerkanni butshabo skyes. Khoe lcags tañ zañssi lagchagun coadpin. Yañ tabulkayinni nomo ni namah zerkanbo inpin. ²³ Lameggi raññi nama nyiskoa zers,

"Ada tañ zila, ñe spera nyonshig.

Lameggi namagun ñe zerkanboa nyonshig.

Ñe ñaa spuñgol cokanni mizhig sadpin,

Ña smakhaa phiñkanni khyogtonzhig.

²⁴ Galtes Kayin sadkanboa

Rdun ldabbi chadpa phogna

Tene ñaa sadcessi stsonđus cokanboa

Teboe rduncudonrdun ldabbi chadpa phogin.

Sed jor.

4:25 ne 26

²⁵ Adam raññi nama nyampo yañ dzomspa, khoe nama butsha Sed zerkanzhig skyes. Hawe zers, "Kayinni sadkan Abelli tshabsla Konchoggi ñaa yañ butshazhig salla dzads." ²⁶ Sed chenmo sonñte khoe namaa butshazhig skyes, yañ khoe miñña Enosh tags. Tedusne pharla migunni Konchogga yawa zerin colces gozugs.

Adammi phorgyud.

5:1 ne 32

5 ¹ Ibo Adammi phorgyudgunni skorla Griiskanni tho innog. Konchoggi mi dzad zane, khoññi migun khoñrañ tsogs dzads. ² Tegun khoññi butsha tañ bumo dzadte cinlabs salla dzads. Yañ tegun dzad tsharracig, mi zerte miñ tagga dzads.

³ Adamma lo 130 cha zane kho, khoraññi yibs tañtsogs yodkanni ñuguzhiggi aba gyur. Khoe khoraññi butshaboa Sed miñña tags. ⁴ Sed skyeste stiñne, Adam yañ lo 800 sonñtea lus. Khoa zhanyañ ñugu, butsha tañ bumo gun yodpin. ⁵ Adam lo 930 sonñtea lus tene shi.

⁶ Sedla lo 105 cha zane kho, Enoshshi aba gyur. ⁷ Enosh skyeste stiñne, Sed yañ lo 807 sonñtea lus. Khoa zhanyañ ñugu, butsha tañ bumo gun yodpin. ⁸ Sed lo 912 sonñtea lus tene shi.

⁹ Enoshla lo 90 chaa zane kho, Kenanni aba gyur. ¹⁰ Kenan skyeste stiņne Enosh, yaņ lo 815 sontea lus. Khoa zhanyaņ ʔugu, butsha taņ bumo gun yodpin.

¹¹ Enosh lo 905 sontea lus tene shi.

¹² Kenanla lo 70 cha zane, kho Mahalalelli aba gyur. ¹³ Mahalalel skyeste stiņne Kenan, yaņ lo 840 sontea lus. Khoa zhanyaņ ʔugu, butsha taņ bumo gun yodpin.

¹⁴ Kenan lo 910 sontea lus tene shi.

¹⁵ Mahalalella lo 65 cha zane, kho Yereddi aba gyur. ¹⁶ Yered skyeste stiņne Mahalalel yaņ lo 830 sontea lus. Khoa zhanyaņ ʔugu, butsha taņ bumo gun yodpin. ¹⁷ Mahalalel lo 895 sontea lus tene shi.

¹⁸ Yeredla lo 162 cha zane, kho hanoggi^b aba gyur. ¹⁹ Hanog skyeste stiņne Yered yaņ lo 800 sontea lus. Khoa zhanyaņ ʔugu, butsha taņ bumo gun yodpin.

²⁰ Yered lo 962 sontea lus tene shi.

²¹ Hanogga lo 65 cha zane kho Mathushelaggi aba gyur. ²² Mathushelag skyeste stiņne lo 300 hanoggi ʔel Konchog nyampo ma nyemo yodpin. Khoa zhanyaņ ʔugu, butsha taņ bumo gun yodpin. ²³ Hanog lo 365 sontea lus. ²⁴ Konchog taņ nyemo ʔel yoddi tus, zhagshig hanog stor soņ, ciazerna Konchoggi kho khoņraņ yodsa khyerra dzads.

²⁵ Mathushelag lo 187 cha zane kho Lameggi aba gyur. ²⁶ Lameg skyeste stiņne Mathushelag, yaņ lo 782 sontea lus. Khoa zhanyaņ ʔugu, butsha taņ bumo gun yodpin. ²⁷ Mathushelag lo 969 sontea lus tene shi.

²⁸ Lamegga lo 182 cha zane, kho butshazhiggi aba gyur. ²⁹ Lameggi khoranņi butshaa Noa miņņa tagste, zers, "I butshaboe ŋadaņgun, Konchoggi ŋan tabba dzadkanni, i sakyadbo badcessi nags taņ bardo gunni kane tharcugganog. ³⁰ Noa skyeste stiņne Lameg yaņ lo 595 sontea lus. Khoa zhanyaņ ʔugu, butsha taņ bumo gun yodpin. ³¹ Lameg lo 777 sontea lus tene shi.

³² Noa lo 500 chadpin nam, kho Shem, hem taņ, yabphed gunni aba gyur.

Jigstenpe ŋanpagun taņ Konchoggi thugstsher.

6:1 ne 8

6 ¹ Migun jigstennika phelces gozug zane khoņgunla bumo maņpoaņ skyes. ² Ŋanpa phonyagunni mii bumogun madzesmo thoņpa, khoņgunni khoran thadkanni bumogunla nama cos yaņ te bumogunnaņ tezug cocesla thaddadpin.

^b5:18 yaņna enog zerkanni mibo

³ Tene yawe mols, "De migunla taŋkanni te ŝoggi ugspo khoŋgunni naŋŋa tusgyunni phia lus micug, ciazerna khoŋgun tusgyun sotea miluskanni rigsne innog. Khoŋgun lo 120 mane sotea milus.

⁴ Tedus yaŋ stiŋneaŋ, nephilim zerkanni mi ma chenmogun jigstennika duggadpin, kagun ŋanpa phonyagun taŋ mii bumogun dzomste skyekanni tuŋugun inpin. Khoŋgun tenna tussi spaogun taŋ maggi naŋŋa nolkan miŋcangun inpin.

⁵ Jigstennika migunni ŋanpabo maŋsteaŋ stsogpo yaŋ khoŋgunni samba taŋ dodpa tshaŋma tusgyun ŋanpa coces yodkan gun yawe zigs. ⁶ Tene khoŋŋi i jigstennika migun coa dzadkanboeka yawaa maŝante gyodpa skyea dzads, yaŋ khoŋŋi semssi thilla ŝante sdugsŋal cuŋ. ⁷ Teboe zhaste yawe mols, "De cokanni mitshaŋma jigstenni kane medkan coin. Migun matshad semscan chenmo taŋ chuŋun yaŋ nammi naŋŋa urkanni ca tshaŋmaŋ medkan coin. Tegun cokanboeka ŋaa ma tsherkha rag." ⁸ Innaŋ yawaa Noaeka thugsthadda dzads.

Noa taŋ chuloggi skor.

6:9 ne 22

⁹ Ibo ni Noae mitshee skorla ruŋspo innog. Tedusla Noa cigpo ni jigstenpa tshaŋme naŋne skyonmedkan taŋ mi đanpozhiŋ inpin. Khoe đel Konchog nyampo ma nyemo yodpin. ¹⁰ Noaa butsha sum, Shem, hem taŋ, yabphed zerkangun yodpin.

¹¹ Ta Konchoggi i jigstenpagun ma ŋanpa, dziŋmo taŋ nodskyalces gun gaŋste zigs. ¹² Yaŋ Konchoggi jigstenbo ŋanpe gaŋste zigs, ciazerna jigstennika ŝog yodkan tshaŋme ŋanpa mitshezhiŋ phuddadpin. ¹³ Tene Konchoggi Noa mols, "Jigsten gaŋpoe naŋŋa, ugs yodkan tshaŋmaa ŝoe gaŋste, cig taŋ cigga nodskyal pasaŋ, ŋe jigstenni ŝog yodkan tshaŋma medkan cocesla thagcadte in."

¹⁴ "Teboephia khyoraŋŋi gopher zerkanni shiŋŋi ma chenmo tuziŋzhiŋ stsig, yaŋ tenaŋŋa naŋmig rig cos. Tene chu naŋkugga miyoŋcessi phia phinaŋ nyiskoa tarkol skus. ¹⁵ Tuziŋŋi riŋbo mitar 135, zhaŋbo mitar 22 taŋ thonbo mitar 13 yoŋgos. ¹⁶ Yaŋ te tuziŋboa thoggaŋ cos, innaŋ stsigpa taŋ thoggi naŋŋa mitar pheddi par borgos. Tuziŋŋi naŋŋa thogtshad sum yaŋ chogs cigga gho cogos."

¹⁷ "Ta, ugs yodkan tshaŋma medkan cocesla ŋe jigsten gaŋpo chuloggichui gaŋcugin. Jigstennika yodkan tshaŋma shiin. ¹⁸ Innaŋ ŋe khyoraŋ nyampo chaddonzhiŋ coad, khyoraŋ taŋ khyoraŋŋi nama, khyoraŋŋi butshagun taŋ khoŋgunni namagun tuziŋŋi naŋŋa yoŋgos. ¹⁹ Yaŋ khyoraŋŋi semscan taŋ cipa rigs

tshaŋme pho taŋ mo gun sontea lussheŋla ʈuziŋŋi naŋŋa khyoŋgos. ²⁰ Cipa rigs tshaŋme chacig, semscan chenmoe rigs tshaŋme chacig taŋ, semscan chuŋunni rigs tshaŋme chacig, sontea lussheŋla khyoraŋŋika ʈuziŋŋi naŋŋa yoŋin. ²¹ Yaŋ khyoraŋ taŋ tegunni zaccessi phia snatshogssi zan tshaŋma ʈuziŋŋi naŋŋa saggos."

²² Tene Konchoggi cos molkan tshaŋma Noae cos.

Jigsten gaŋpo chuloggi kabs.

7:1 ne 24

7 ¹ Tene yawe Noa molla dzads, "Khyoraŋ taŋ khyoraŋŋi naŋtshaŋs gaŋpo ʈuziŋŋi naŋŋa soŋshig, jigsten gaŋpoe naŋŋa ŋaa khyoraŋ mane yaŋsuzhiggaŋ ɗaŋpo mizhig mathob. ² Stsaŋma semscangunni butsha taŋ bumoe cha rdun, yaŋ stsaŋma mankan semscangunni butsha taŋ bumoe cha gun, khyoraŋ nyampo ʈuziŋŋi naŋŋa khyer. ³ Yaŋ cipagunniaŋ butsha taŋ bumoe cha dun khyer. Chuloggi stiŋneaŋ, jigstennika semscan taŋ cipa gunni rigs tshaŋma sontea lussheŋsi phia khyoraŋŋi ŋe zerkangun cogos. ⁴ Zhagma rdunni stiŋne, ŋe jigstennika tshannyin 40 charpa taŋcugste, jigsten gaŋpoe naŋŋa ŋe cokanni ʂog yodkan tshaŋma medkan coin.

⁵ Noae yawe ka salla dzadkan tshaŋma cos.

⁶ Noaa lo 600 chadpin nam jigstennika chulog yoŋs. ⁷ Chulogne tharcesla Noa, khoranŋi nama, khoranŋi butshagun taŋ khorŋgunni namagun nyampo ʈuziŋŋi naŋŋa soŋ. ⁸ Stsaŋma taŋ stsaŋma mankanni semscan chenmo, cipa taŋ seka ɗulkanni semscan chuŋun tshaŋma, ⁹ butsha taŋ bumoe cha coste Konchoggi ka naŋzhin Noa yodse ʈuziŋŋi naŋŋa yoŋs. ¹⁰ Tene zhagma rdunni stiŋne, jigstenbo chuloggi chui gaŋces gozugs.

¹¹ Noaa lo 600 che zhagga kabo lzawa nyispi zhagma 17 pa yinpin te zhagga se thilla yodkanni chu tshaŋma sakyad yaste biŋste yoŋs, yaŋ namkane charpabo chulog yoŋŋa tsogsla babs. ¹² Jigstennika tshannyin 40 chadmedla charpa taŋs.

¹³ Charpa babsshes gozug che zhagga, Noa, khoe nama, butsha Shem, hem taŋ, yabphed sumko yaŋ khorŋgunni namagun ʈuziŋŋi naŋŋa zhons, ¹⁴ khorŋgun nyampo semscanni rigs tshaŋme chacig yodpin: ʂalkan taŋ nagtshogssi semscan chenmo taŋ chuŋun gun, yaŋ cipe rigs tshaŋma. ¹⁵ Ugs lenkanni ʂog yodkan tshaŋma nyisnyisŋi cha coste Noa nyampo ʈuziŋŋi naŋŋa yoŋs. ¹⁶ Rigs tshaŋme butsha taŋ bumo rere yoŋs, kazuggi Noaa Konchoggi molla dzadte inpin. Khoŋ tshaŋma ʈuziŋŋi naŋŋa zhugs tsharracig, yawa Konchoggi ghobo cugga dzads.

¹⁷ Zhagma 40 jigstennika charpa chadmedla babs, yaŋ chuloggi chu phelpa sakyad chui gaŋste ʔuziŋbo sakyadne thonpoa stags. ¹⁸ Seka chu maŋne maŋŋa phelin soŋpa ʔuziŋbo chui khathogga jigspa medpa ldiŋs. ¹⁹ Stiŋjugga jigstenni ri thoshoggunnaŋ chui naŋŋa nubs. ²⁰ Chu phelin soŋte, ri thoshoggunni saŋ mitar 6 thoa soŋ. ²¹ Jigstennika yodkanni ʃog yodkan tshaŋma shi: cipa, ʃalkan taŋ nagstshogssi semscan, seka ʔulkanni chuŋun semscan taŋ, mitshaŋma. ²² Sa skampoeka dugkanni ugs yodkan tshaŋma shi. ²³ Yawe jigstenni ʃog yodkan tshaŋma medkan coa dzads: migun, ʃalkan taŋ seka ʔulkanni chuŋun semscan gun taŋ nammi cipa tshaŋma. Te tshaŋma medkan coa dzads. Noa taŋ kho nyampo ʔuziŋŋi naŋŋa yodkangun mastogs suzhiggaŋ sotea malus. ²⁴ Yaŋ sakyadpo zhagma 150 chui naŋŋa lus.

Chuloggichu nyuŋun chen soŋ.

8:1 ne 22

8 ¹ Innaŋ Konchoggi Noa taŋ ʔuziŋŋi naŋŋa yodkanni ʃalkan taŋ nagstshogssi semscan tshaŋmaa rjedda madzads. Khoŋŋi jigstennika luŋspo kalla dzadpa, chuloggichu nyuŋun chaces gozugs. ² Khoŋŋi se thilne biŋse chui nassagun kagga dzads, yaŋ namkane babskanni charpa gun chad cugga dzads. ³ Jigstenni naŋŋa gaŋskanni chuloggi chu tshaŋma thimsin nyuŋun chen chadpin. Zhagma 150 stiŋne, ⁴ chulog gozugste, lzawa 7 pe zhagma 17 ni zhagga ʔuziŋbo ararad zerkanni rigyudgunnika khadte lus. ⁵ Yaŋ chugun chadmedla, lzawa 10 tshogpa nyuŋun chen soŋ. Tene tenna lzawe gome zhagga, rii Gogun chune philogga biŋte thoŋ.

⁶ Ri Gogun thoŋte zhagma 40 stiŋne, Noae khoraŋŋi coskanni ʔuziŋŋi karkhuŋbo pheste, ⁷ rewen zerkanni canagpo chenmobo phuds. Kho chu skamste sakyad biŋbiŋ urin dugste, ʔuziŋŋika logste mane mayoŋs^c. ⁸ Tene Noae chu skamste sakyad skampo biŋste dugga stacesla phurgonzhig phuds. ⁹ Innaŋ phurgonla raŋŋi kaŋpa borcesla nassa mathob, ciazerna jigsten taruŋŋaŋ chui naŋŋa nubste yodpin. Phurgonbo Noa yodsa ʔuziŋŋi naŋŋa logste yoŋspa, Noae khoraŋŋi lagpa philogga phiŋste, phurgonbo ʔuziŋŋi naŋŋa khyoŋs. ¹⁰ Zhagpo rdun ʃiŋste stiŋne, Noae phurgonbo yaŋskyar phuds. ¹¹ Phitog phurgonbo logste yoŋ zane, khoe khamcui naŋŋa oliwwi lcaŋme loma sŋonpozhiŋ khurte thoŋpa, Noaa, jigstenni kane chu

^c8:7 rewengun shikanni sha zakan inpa kho kharjii phia ʔuziŋŋika logste yoŋ magos.

halam tsharte incespo hago. ¹² Tene yañzhagpo rdun şınste, khoe phurgonbo yañ lamcugs, innañ i lan kho Noaeka logste mane mayoñs.

¹³ Ta Noa lo 601 soñte, lzawa tañpoi gome zhagga, sakyaddi kane chu tshañma halam skamste medpin. Noae ÷uziñjika kabste yodkanbo thente staspa, sakyad tshañma skamsin thoñ. ¹⁴ Teboe stiñne halam lzawa 2 ne, sakyad gañpo skampo soñ.

¹⁵ Tene Konchoggi Noaa molla dzads, ¹⁶ "Khyorañ, khyorañji nama, butshagun tañ khoñgunni namagun ÷uziñne biñste yoñ. ¹⁷ Yañ ÷uziñji nañña yodkanni şog yodkan: cipa, semscan chenmo tañ chuñun seka ÷ulkan tshañma philogga phiñ. Khoñgun gyaste jigsten gañpoe nañña phelcessi phia tezug cos."

¹⁸ Tene Noa, khorañji nañtshañs nyampo ÷uziñji nañne biñste yoñs. ¹⁹ Yañ tenañña yodkanni chenmo tañ chuñun semscan tañ cipa tshañma nyisnyissi cha coste biñte yoñs.

²⁰ Tene Noae yawaa chodpa phulcessi phia nassazhig stsigs. Khoe stsañma semscan tañ cipa gunni nañne snarere khyoñste sads yañ mea şagste chodpa phuls. ²¹ Yawaa te chodpe ÷izhimbo tshorracig, yawe khoñrañji semssi nañña molla dzad, "Migunni zhaste ñe i jigstenbo yañ chu nyampo medkan mane mico. Chuñunni tusne pharla, migunni snyiñpo ñanpe chogsla yodnañ, ñe şog yodkan tshañma medkan mane mico. ²² Jigstenbo luslus tshogpa, zhiñ tabces tañ rñoces, tshad tañ ÷año, yar tañ ghun, yañ nyima tañ tshanni tus gun yoñin.

Konchoggi Noa nyampo chaddon dzads.

9:1 ne 17

9 ¹ Konchoggi Noa tañ khoe butshagunla cinlabs salte molla dzads, "Jigsten gañpoe nañña phelcessi phia ÷ugu mañpo skyecugshig. ² Seka tshugskanni semscan, namkhe ca, seka ÷ulkanni semscan chuñun tañ chui nañña yodkanni nya tshañmaa khyorañgunni jigssi nañña dugin. Ñe te tshañma khyozhe wañji yogga taññad. ³ Ñe şog yodte ÷ulkan tshañma khyozhaa zacesla taññad, kazuggi ñe khyozhaa sñonpoe rigs tañ ÷o tshañma tañste inpin. Zacesla ta ñe khyozhaa citshañma taññad."

⁴ "Innañ thag yodkanni sha zaa magos, ciazerna şogpo thaggi nañña yodte yinnog. ⁵ Galtes mizhiggi şog lenna, te şog lenkanboa shicessi chadpa phoggos. Semscan inđo ya mi, mi sadkanbo sadgos."

⁶ "Mi sadkanboa shicessi chadpa zhanyaŋ migunni taŋgos, ciazerna Konchoggi mibo khoŋraŋ taŋtsogs coa dzadte innog. ⁷ Yaŋ khyozhagun, jigsten gaŋpoe naŋŋa phelcessi phia tuŋgu maŋpo skyecugshig."

⁸ Tene Konchoggi Noa taŋ khoe butshagunla mols, ⁹ "Ta ŋe khyoraŋ taŋ khyoraŋŋi phorgyudgunla taŋskanni chaddonbo tantan coad. ¹⁰ Te chaddonbo khyoraŋ nyampo tuziŋŋi naŋŋa yodkanni ŋog yodkan: ŋalkan taŋ nagstshogssi semscan, taŋ cipa yaŋna jigstenni ŋog yodkan tshaŋme phiaŋ in. ¹¹ Ona, ŋe khyoraŋ nyampo cokanni chaddonbo stanpo coad. Tanepharla chuloggi chui ŋog yodkan tshaŋma medkan mane mico. I jigstenbo chuloggi chu gyudte medkan mane micha."

¹² Konchoggi molsla dzads, "Ibo ŋe khyozhagun taŋ ŋog yodkan tshaŋma, yaŋ yoŋcescanni tussi mirgyud tshaŋma nyampo coskanni chaddonni stagspo in. ¹³ De namkhe naŋŋa zachuthuŋzhig sharcugin, tebo khyozhaa taŋ jigsten gaŋpo nyampo ŋe chaddon cokanni stagspo in. ¹⁴ De ŋin kalte jigstennika charpa phabste, nammi naŋŋa zachuthuŋ thoŋ zane, ¹⁵ ŋaa khyozhaa taŋ ŋog yodkan tshaŋma nyampo cokanni chaddonbo idtu yoŋin. Chuloggi chui ŋog yodkan tshaŋma yaŋskyar medkan mane mico. ¹⁶ Zachuthuŋ nammi naŋŋa sharte thoŋŋacig, ŋaa jigstennika yodkanni ŋog yodkan tshaŋma nyampo ŋe cokanni chaddonbo idtu yoŋin."

¹⁷ Konchoggi Noa molsla dzads, "I zachuthuŋbo ŋe jigstenni ŋog yodkan tshaŋma nyampo cokanni chaddonni stagspo in.

Noa taŋ khoe butshagun.

9:18 ne 10:1

¹⁸ Tuziŋŋi naŋne biŋkanni Noae butshagun ni, Shem, hem taŋ yabphed gun inpin. (Hem Kenan ni aba inpin). ¹⁹ Noae inna butsha sumkoe kane jigstenni naŋŋa mitshaŋma phel.

²⁰ Zhiŋbadpa Noa ni rguntshas tabkan taŋpo mibo inpin. ²¹ Zhagshig, kho rgunni chaŋ thuŋste rarospa, kho ljernyalla khoranŋi kurri naŋŋa nyidla soŋ. ²² Kenanni aba, hem, khoranŋi abe kurri naŋŋa soŋpa, aba ljernyalla yodkanbo thoŋ. Kho philogga yoŋste khoranŋi aco nyiskoa shads. ²³ Tene Shem taŋ yabpheddi ras chenmozhig khoranŋunni spuŋpeka, lagpa nyampo zumste gyablogga kurri naŋŋa aba yodsa soŋte, Noa ljernyal yodkanbo kabs. Tezug co zane aba ljernyalla mithoŋcessi phia khoŋgunni ldoŋbo aba medsa chogsla gyurs.

²⁴ Noa razhute nyidshaddadaŋ, khoa khoe butsha chuŋshogpoe thelbe las coskanbo gyussoŋ. ²⁵ Yaŋ khoe zers, "Hammi butsha Kenan taŋ khoe

phorgyudgunla ñan phogshig. Khoᅅgun khoᅅᅇi acogunni tsheyog tshaᅇmesaᅇ stsiwa medkanbo gyurshig." ²⁶Noae yaᅇ zers, "Yawa, Shemmi Konchogga stodpa thobshig, yaᅇ Kenan khoe tsheyog gyurshig. ²⁷Konchoggi yabpheddi mirgyudgun phelcugshig. Yabphed taᅇ Shemmi mirgyudgunni mitshe nyampo phudshig. Yaᅇ Kenanpagun yabpheddi phorgyudgunni tsheyog gyurshig. ²⁸Chuloggi stiᅇne Noa yaᅇ lo 350 sontea lus. ²⁹Kho lo 950 sontea lus tene shi.

10 ¹Igun ni Noae butsha Shem, hem taᅇ yabphed gunni mirgyudgun innog. Chuloggi stiᅇne, khoᅅgunla ᅇugu maᅇpo jor.

Yabpheddi phorgyudgun.

10:2 ne 5

²Yabphed ni, gomer, Magog, madi, yawan, tubal, mesheg taᅇ t̄iras gunni aba inpin. ³Gomer ni, eshkinez, riphad taᅇ togarma gunni phamespo inpin. ⁴Yawan ni, Elisha, tarshish, kit taᅇ Roda gunni phamespo inpin. ⁵Yawan ni, tshoe thama taᅇ tsholiᅇᅇika dugkanni mirgyud gunni phamespo inpin. Igun yabpheddi mirgyudgun innog kagunla raᅇraᅇᅇi rigs, skad taᅇ yul gun yodpin.

Hemmi phorgyudgun.

10:6 ne 20

⁶Hemmi butshagun kush, Ijib, phut taᅇ Kenan gun inpin. ⁷Kush ni siba, hawila, sabta, Ramah taᅇ sabtika gunni phamespo inpin. Yaᅇ Ramah ni shiba taᅇ didan gunni phamespo inpin.

⁸Kush nimroddi aba gyur. Nimrod ni jigstenni naᅇᅇa zhanyaᅇ mirgyudgunla phamkalkanni magmi ma tagpo taᅇpobo gyur. ⁹Nimrod ni liᅇspa ma khaspazhiggaᅇ inpin. Tennaboephia migunni, "Kho jigstenni liᅇspa tagpo, nimrod tsogs dug" zerradpin. ¹⁰Taᅇporaᅇ khoe waᅇᅇulkanni gyalsagun ni, shinarri yulli naᅇᅇa yodkan babel, irig, akad taᅇ kalneh gun inpin. ¹¹Tekane khoe asiriye yulli naᅇᅇa khorraᅇᅇi gyaᅇᅇidpo gyascugste ninewa, rehoboth-ir taᅇ kalaa zerkanni gyalsagun stsigcugs. ¹²Yaᅇ ninewa taᅇ kalaa nyiskoe zhuᅇᅇa chagste yodkanni risin zerkanni gyalsa tagpoboaᅇ stsigcugs.

¹³Ijib ni ludpagun, anampagun, lehabpagun, nabtupagun, ¹⁴phaturuspagun, keshupagun (Kaboe phorgyud philistipagun innog) taᅇ kebthorpagunni phamespo inpin. ¹⁵Kenan ni, Sidon (Khoe butsha gobi) taᅇ hed gunni aba inpin. ¹⁶Kenan ni yebaspagun, amorpagun, girkashpagun, ¹⁷hiwpagun, arkapagun, sinpagun,

¹⁸ arbidpagun, zimarpagun tañ hamadpagunni phamespo inpin. Stiñne Kenanni mirgyudgun nassa mañpoe nañña phel. ¹⁹ Yañ Kenanpagunni dugse sakyadbo Sidonne tañste gayar, matshad Gaza tshogpañ phelte soñ. Yañ shar chogsla Sodom, gomora, adma, ziboyim tañ lasha tshogpañ phel.

²⁰ Tegun ni, hemmi phorgyudgun innog. Khoñgun mirigs gyur yañ mirigsgunni nañña sdesosoa rañrañ sosoe skad tañ sakyad gun yodpin.

Shemmi phorgyud.

10:21 ne 32

²¹ Yabpheddi aco Shemmañ butsha mañpoe aba gyur. Yañ Shem ni ebarpagunni phamespo inpin. ²² Shemmi butshagun elam, Asher, arphashed, lud tañ aram gun inpin. ²³ Aram ni uz, hal, gitar tañ mesheg gunni phamespo inpin. ²⁴ Arphashed ni Shelaggi aba, yañ Shelag ni ebarri aba gyur. ²⁵ Ebarla butsha nyis yodpin: cigpoe miñña peleg (Kaboe donbo pobudces) ciazerna khoe tusla, jigstenni migunni nañña pobud. Yañ khoe noe miñña yogtan zerradpin. ²⁶ Yogtan ni almodad, shileph, hazarmawed, yira, ²⁷ hadoram, uzal, digla, ²⁸ obal, abimel, shiba, ²⁹ ophir, hawila tañ, Yobab gunni phamespo inpin, yañ khoñgun yogtanni phorgyud tshañma inpin. ³⁰ Khoñgun dugse sakyadbo meshane tañste shar chogsla yodkanni ri yul, siphar chogslañ phel. ³¹ Tegun Shemmi phorgyudgun inpin. Khoñgun mirigs gyur yañ mirigsgunni nañña sdesosoa rañrañ sosoe skad tañ sakyad gun yodpin.

³² Te tshañma ni Noae butshagunni phorgyudgun innog, yañ mirgyud sosoe miñgun skyetshir nañzhinla Griiste yodte innog. Chuloggi stiñne inna mirigsgunni kane jigsten gañpoe nañña gyalkhabgun phelte inpin.

Babelli nañña stsigkan thonpo nassa

11:1 ne 9

11 ¹ Tusshigga jigsten gañpoe migunni cañ khyad medkanni skad cigcig taññadpin. ² Shar chogsne yoñ zane, khoñgun shinar yulli tartar nassazhigga leb yañ teru tshugste dugs.

³ Khoññi cig tañ cigga zers, "Yoñshig. Ñadaññi pagbu coste şante chacesla mee nañña şagin." Khoñgunni rdoe tshabsla pagbu tañ kalaggi tshabsla tarkol kols.

⁴ Tene khoñgunni zers, "Yoñshig, ñadañraññi phia gyalsa tañ tenañña namkhaa thubcessi nassa thonpozhiğgañ stsigste, ñadañgun miñcan gyurin. Yañ ñadañgun jigsten gañpoe nañña beste cha migos.

⁵ Innaŋ yawa Konchog, mii stsigskanni gyalsa taŋ thonpo nassa gun zigssala yogga babste skyods. ⁶ Yawe mols, "Migun cigdil soŋte skad cigciggi naŋŋa spera taŋin izug conyanpa, ta khoŋgunla cizhig cocessi dodpa yodnaŋ tegun conyances innog. ⁷ Yoŋ, ŋadaŋ jigstennika babste chen, yaŋ migunla cig taŋ ciggi skadgun hago mithubcessi phia skadgun ŋein."

⁸ Tene yawe mitshaŋma jigsten gaŋpoe naŋŋa yan cugga dzadpa, khoŋgunni gyalsa stsigcespo ɗub maɗubba lus. ⁹ Teboe zhaste te gyalsaboa babel^d zerte miŋ tags, ciazerna inna nassaboeka yawe jigstennika skadbo ŋea dzadste skad snatshogsshig coa dzads. Yaŋ tekane mitshaŋma jigsten gaŋpoe naŋŋa yan cugga dzads.

Shem ne Abram tshogpe phorgyuddi tshir

11:10 ne 26

¹⁰ Igunni Shemmi phorgyudgunni tho innog.

Chulog yoŋste lo nyissi stiŋne, nam Shemma lo 100 chadpin, kho arphasheddi aba gyur. ¹¹ Arphashed skyeste stiŋne Shem yaŋ lo 500 sontea lus, yaŋ khoa zhan ɗugu butsha taŋ bumo gun yodpin.

¹² Arphashedla lo 35 chadpin nam kho Shelaggi aba gyur. ¹³ Shelag skyeste stiŋne arphashed yaŋ lo 403 sontea lus, yaŋ khoa zhan ɗugu butsha taŋ bumo gun yodpin.

¹⁴ Shelagga lo 30 chadpin nam kho ebarri aba gyur. ¹⁵ Ebar skyeste stiŋne Shelag yaŋ lo 403 sontea lus, yaŋ khoa zhan ɗugu butsha taŋ bumo gun yodpin.

¹⁶ Ebarla lo 34 chadpin nam kho peleggi aba gyur. ¹⁷ Peleg skyeste stiŋne ebar yaŋ lo 430 sontea lus, yaŋ khoa zhan ɗugu butsha taŋ bumo gun yodpin.

¹⁸ Pelegga lo 30 chadpin nam kho riui aba gyur. ¹⁹ Riu skyeste stiŋne peleg yaŋ lo 209 sontea lus, yaŋ khoa zhan ɗugu butsha taŋ bumo gun yodpin.

²⁰ Riua lo 32 chadpin nam kho Seruggi aba gyur. ²¹ Serug skyeste stiŋne riu yaŋ lo 207 sontea lus, yaŋ khoa zhan ɗugu butsha taŋ bumo gun yodpin.

²² Serugga lo 30 chadpin nam kho Hahorri aba gyur. ²³ Hahor skyeste stiŋne Serug yaŋ lo 200 sontea lus, yaŋ khoa zhan ɗugu butsha taŋ bumo gun yodpin.

²⁴ Hahorla lo 29 chadpin nam kho Tirahhi aba gyur. ²⁵ Tirah skyeste stiŋne Hahor yaŋ lo 119 sontea lus, yaŋ khoa zhan ɗugu butsha taŋ bumo gun yodpin.

^d11:9 ibripe skaddi naŋŋa babel ni "Gokhorcesla" zerkan tsogsshig tshorranog.

²⁶ Tirah lo 70 chadpin nam kho Abram, Hahor tañ Haran gunni aba gyur.

Tirahhi phorgyudgun.

11:27 ne 32

²⁷ Iganni Tirahhi phorgyudgunni tho innog. Tirah Abram, Hahor tañ Haran gunni aba gyur, yañ Haran Loddi aba gyur. ²⁸ Aba Tirah sotea yoddi tusla, Haran Kaldiape ur zerse nasse nanña shi, karu kho skyeste inpin. ²⁹ Abram tañ Hahor nyiskoe bagston cos. Abrammi name miñña Sari yañ Hahorri name miñña milka zerradpin. (Milka tañ iska ace nomo nyisko Haran ni bumogun inpin. Yañ Haranni Hahorri no inpin) ³⁰ Ta Saria tugu jor mathubpa khoa tugu medpin.

³¹ Zhagshig Tirahhi khoranji butsha Abram tañ Abrammi nama Sari, Tirahhi tshao Lod (Haranni butsha) gun thidte Kaldiape ur zerse nassane biñte Kenanni yulla soñ. Innañ Haranla lebbacig, khorogun teru tshugste dugs. ³² Tirah lo 205 sotea luste stiñne kho Haran zerse nasse nanña shi.

Konchoggi Abramma bodda dzads.

12:1 ne 9

12 ¹ Yawa Konchoggi Abramma mols, "Rañyul, nyenđun tañ abe nanmi gun phañste ñe stancescanni sachaboa soñ. ² Ñe khyoranji phorgyudgun gyalkhag tagpozhihig gyurcugin, yañ khyoranña cinlabs tañste miñcan gyurcugin. Tene khyorañ gyudte zhanmagunla cinlabs thobin. ³ Khyoranña cinlabs tañkangunla ñe cinlabs tañin, yañ khyoranña ñan tabkangunla ñe ñan tabin. Jigstenpa mitshañmala khyorañ gyudte cinlabs thobin."

⁴ Tene yawe molkan nanzhin, Abram te nassabo phañste soñ, yañ Loddañ kho nyampo soñ. Abram Haranne biñte cha zane khoa lo 75 chadpin. ⁵ Khoe khoranji nama Sari, khoranji tshao Lod, khorogunni gyurnor sagskan tshañma yañ Haranni nanña nyoskanni semscan tañ tsheyog gun thidte, Kenanni sachaa soñ. Kenanla lebbacig, ⁶ Abram tañ khoe topa tshañma Shekemmi ñonseb tshogpa soñ, teru khor more yinkanni miñcan lcañme nyemoa tusbanshig naste dugs. (Tedusla Kenanpagun te sache nanña duggadpin).

⁷ Tene Abramma yawa jal, yañ khoronji molla dzads, "Ñe i sachabo khyoranji phorgyudgunla tañin." Tennaboephia Abrammi khoa jalkanni yawaa chodpa phulcesla chodthizhig stsigs. ⁸ Stiñne Abram tekane lo chogsla soñ, yañ nub chogsla bethelli ñonkhyer tañ shar chogsla ai ñonkhyer nyiskoe parri riyulzhiggi

naŋŋa tshugste dug. Teru khoe chodthizhig stsigste Konchogga yawa zerin colces gozugs. ⁹Te nassane biŋte tus maŋpoe stiŋne Abram negew zerkanni sachabo leb.

Ijibbi naŋŋa Abram taŋ Sari

12:10 ne 20

¹⁰Tedusla Kenanni naŋŋa muge yoŋs. Abram thur chogsla Ijibbi yulla dugcessi phia chagos ciazerna muge maŋante yoŋste yodpin. ¹¹Ijibbi naŋŋa lebkyisla khoe khoranŋi nama zers, "Sari khyoraŋ bumo ma ldemo yodcespoe, ¹²Ijibpagunni khyoraŋ thoŋŋacig, 'Khyoraŋ ŋe nama innog' samste ŋa saddanog innaŋ khyoraŋ sotea borin. ¹³Khyoraŋŋi zhaste ŋa masadda gyalla cocessi phia khoŋgunla 'Khyoraŋ ŋe ŋiŋmo in zer' zers."

¹⁴Abram Ijibbi yulla lebbacig, Ijibpagunni Sari ma bumo ldemozhig yodkanbo thoŋ. ¹⁵Ijibbi gyalpo Pheroe sponbogunni Sari thoŋte, khoŋgunni gyalpoa kho tsamshig ldemo yodkanboe skorla shads. Yaŋ Sari gyalpoe kharla thidte khyers. ¹⁶Sari zhaste, gyalpoe Abramma snyiŋrje stans yaŋ khoa skyes maŋpo taŋs, sperna lug, Rama, Baalaŋ, buŋbu pho taŋ mo, rŋaboŋ taŋ tsheyog bumo taŋ butsha gun.

¹⁷Innaŋ yawe gyalpo taŋ khoe naŋtshaŋs tshaŋmala zumo ma jigssnaŋcan rig yoŋ cugga dzads, ciazerna gyalpoe Abrammi nama Sari, nama cocesla khyerte inpin. ¹⁸Tennaboephia Pheroe Abramma bodte zers, "Khyoraŋŋi ŋaa ibo cia coste in? Kho khyoraŋŋi nama in zerte ŋa ciphia khyoraŋŋi mashadpin? ¹⁹Kho khyoraŋŋi ŋiŋmo in zerpa, ŋe kho ŋaraŋŋi nama cocesla khyerpin. Ciphia khyoraŋŋi tezug zerpin? Yaa, khyoraŋŋi nama thidte soŋ!" ²⁰Gyalpoe khoranŋi magmi sponbogunla ka taŋspa khoŋgunni Abram taŋ khoe nama, khoŋgunni norgun nyampo Ijibbi yulne philogga lamcugs.

Abram taŋ Lod bes.

13:1 ne 18

13 ¹Tennaboephia Abram Ijibne raŋŋi nama taŋ khoranŋa yodkan tshaŋma khurte kyen chogsla negew zerse nassa logste soŋ, Loddan kho nyampo soŋ. ²Abram ma chugpo gyur. Khoa mul, ser taŋ duddo maŋpo yodpin. ³Negewne kho nassa cigne cigga dugin bethella leleb tshogpa soŋ, bethel taŋ ai parri nassa kaboeka sŋunlaŋ khoe khoranŋi kurbo tsugste ⁴chodthi stsigste yodkanni tenna nassaboeka khoe yaŋskyar yawa Konchogga cols.

⁵ Ta Abram nyampo yodkanni Lodlaŋ raluggi khyu, Baalaŋŋi khyu taŋ migunni phia kur maŋpozhiŋ yodpin. ⁶ Innaŋ khoŋ nyiskoe dudḍoa ldaŋshessi tsakha te nasse naŋŋa smin mathub, ciazerna khoŋgunla dudḍo semscan ma maŋpo soŋte yodpin. ⁷ Tennaboephia Abram taŋ Loddi semscan tshokangunni parla dziŋmo chaces gozugs. Tedusla Kenanpa taŋ perizpa gunnaŋ tenna nasse naŋŋa duggadkyag.

⁸ Tene Abrammi Lodla zers, "Ḍadaŋ ya ḍadaŋŋi semscan tshokangunni parla dziŋmo mitaŋ, ciazerna ḍadaŋ nyisko spunla innog. ⁹ Ḍadaŋŋi dunla sakyad ma chenmozhig yodte innog. Khyoraŋ thadkanni sakyaddi khagpo ldom, ḍadaŋ nyisko bein. Galtes khyoraŋ yoma chogsla chana tene ḍa yaspa chogsla chen, ya khyoraŋ yaspa chogsla chana ḍa yoma chogsla chen.

¹⁰ Loddi zoar ḍoŋkhyerri chogsla staspa, khoa Yordan luŋpabo karuŋsa ma sŋonpo, idanni sache tshas ya Ijibbi sachaa tsogs thoŋ. (Tebo yawe Sodom taŋ gomori gyalsagun thestor coe saŋ sŋunla inpin). ¹¹ Loddi khoranŋi phia Yordanni spaŋthaŋ tshaŋma ldamste shar chogsla soŋ. Tezuggi kho taŋ Abram nyisko be. ¹² Lod Yordan thaŋŋi gyalsagunni ḍoa dugste khoranŋi kurbo Sodommi gyalse nyekhorla tsugs. Innaŋ Abram Kenanni sache naŋŋa dugs. ¹³ Ta Sodompaŋun maŋsteaŋ ḍanpa yodcespoe yawe gyabgalla sdiŋpa chadmedla coadpin.

¹⁴ Lod soŋ tsharte stiŋne yawe Abrammi mols, "Khyoraŋ yodse nasse kane mig stagste chogs tshaŋmala stos. ¹⁵ Khyoraŋŋi migne thoŋkanni nassa tshaŋma tusgyunni phia ḍe khyoraŋ taŋ khyoraŋŋi phorgyudgunla taŋin. ¹⁶ Yaŋ jigstennika yodkanni thalba tsogsla ḍe khyoraŋŋi phorgyudgun suzhiggaŋ stsi minyances maŋpo phelcugin. ¹⁷ Ta soŋ yaŋ sakyaddi chogs tshaŋmala ḍul, ciazerna ḍe i tshaŋma khyoraŋŋa taŋŋad.

¹⁸ Tene Abrammi kurgun khyerte hebronni naŋŋa yodkanni mamre zerkanni miboe miŋcan lcaŋmagunni nyemoa duggala tsugcugs, yaŋ teru khyoe yawaa colcesla chodthizhiŋ stsiŋs.

Abrammi Lod skyobs.

14:1 ne 16

14 ¹ Babelonni gyalpo amraphel, elasarri gyalpo Erayog, elemmi gyalpo kadorlaomer taŋ goimme gyalpo tiḍal zhiko, ² Sodommi gyalpo bera, gomori gyalpo birshaa, adme gyalpo shinab, ziboyimmi gyalpo Shemmebar taŋ bile (Yaŋna zor)ri gyalpo ḣŋakoe gyabgalla magtaŋŋala soŋ. ³ Te gyalpo ḣŋakoe

magmigun sidimmi lunpe nanja dzomste cigdil sonje yodpin (Teboa gyatsho shikanni lunpañ zerranog). ⁴ Tegen lo rcugnyis gyalpo kadorlaomerri ñayogga yodpin. Innañ lo cugsumpe nanja kxongunni te gyalpoe gyabgal cos.

⁵ Lo cubzhipi nanja gyalpo kadorlaomer tañ khoe wañji yogga yodkanni gyalpogunni, eshtiroth karneimmi yulli nanja repheampagunla, hammi yulli nanja zuzempagunla yañ shawe kiriathayemmi yulli nanja imampagunla phamkals.

⁶ Matshad sirari ri yul, ristonñi thama yodkanni elpharan tshogpa dugkanni horimpagunlañ phamkals. ⁷ Tene kxongun logste enmishpat (Yaña kadishla) yoñs, yañ teru dugkanni amalikipagunla matshad hazazon tamarri nanja dugkanni amorpagunlañ maşante phamkals.

⁸⁻⁹ Tene kadorlaomer gyalpoa gyabgal cokanni Sodom, gomora, admaa, ziboyim tañ bile (Yaña zor) gyalpo şnakoe sidimmi lunpe nanja kho tañ khoa chogsskyor cokanni gyalpogunni magmi gyabgalla magtañña yoñs. Gyalpo şne gyabgalla gyalpo zhi mag tañs. ¹⁰ Ta te lunpabo tarkolli sadoññi gañste yodpin, yañ Sodom tañ gomori gyalpoe magmigun phamphogste magne shorte cha zane khacig te sadoñgunni nanja bud, yañ mabudkangun riyulgunla shorte soñ. ¹¹ Gyalthobkanni gyalpo zhikoe Sodom tañ gomori nor tañ zan tshañma khurte soñ. ¹² Kxongunni Abrammi tshao Sodommi nanja dugkan Lod tañ khoe gyunorgunnañ khyers.

¹³ Innañ shorkangunni nañne cig, amorpa mamree inkanni miñcan lcañmagunni nyemoa dugkan ibripa, Abram yodsa yoñste cuñkangun shads. Mamre no eshkol tañ aner gun Abrammi chogspa inpin. ¹⁴ Abramma khoe tshaobo zumstogs zerte tshorracig, khoe nañtshañssi nanja skyeskan, nolnyankanni mi 318 dzomcesla bods. Yañ kxongunni dan zerse nassa tshogpa gyalpo zhikoe magmia tedte khyers. ¹⁵ Teru Abrammi khoraññi migun sdesde nanja gos, yañ tshanla ðaogunnika spunjol cocugspa kxongun shorte soñ. Abrammi migunni Dameskhas gyalse cañ chogsla yodkanni nassa hoba tshogpa tegunla tedte khyers. ¹⁶ Khoe gyunor khyerkan tshañma logste khyoñs, yañ khoraññi nyen Lod tañ khoe gyunor, yañ bumogun tañ zhanmigunnañ logste khyoñs.

Melkizedeggi Abramma cinlabs sals.

14:17 ne 24

¹⁷ Abrammi gyalpo kadorlaomer tañ khoa rogs cokanni gyalpogunla phamkalte logste yoñ zane Sodommi gyalpo, shawe lunpa (Yaña gyalpoe lunpa zerse), nanja khoa thugga yoñs.

¹⁸ Tene kunwaŋ Konchoggi lama, Shalemmi gyalpo Melkizedeggi Abramma tagi taŋ chaŋ khyoŋs. ¹⁹ Yaŋ khoa cinlabs salte mols, "Namkhaa taŋ jigsten nyisko dzadkanni kunwaŋ Konchoggi khyoraŋŋa cinlabs salshig. ²⁰ Khyoraŋŋa ɖaogunnika gyalkhaa thob cugga dzadkanni kunwaŋ Konchogga stodpa thobshig.", yaŋ Abrammi Melkizedegga logste khyoŋkanni gyunor tshaŋme rcukhagpo taŋs.

²¹ Sodommi gyalpoe Abramma zers, "De migun logste toŋ, innaŋ logste khyoŋkanni gyunor tshaŋma bornaŋ ɖig.

²² Innaŋ Abrammi Sodommi gyalpoa zers, "De namkhaa taŋ jigsten dzadkanni yawa kunwaŋ Konchoggi skundunla naa khurrad, ²³ khyoraŋŋi inkan cizhiggaŋ ŋe mikhyer, pabu ya skudpazhiggaŋ, ciazerna khyoraŋŋi, 'De Abram chugpo gyurcugspin' zersidces innog. ²⁴ De migunni zakanni kharji yaŋ ŋaa rogs cokan aner, eshkol taŋ, mamre gunni skalle norgun manpa ŋe yaŋ caŋ mikhyer.

Yawa Konchoggi Abramma chaddon dzads.

15:1 ne 21

15 ¹ Testiŋne zhalzigsshiggi naŋŋa Abramma yawe mols, "Abram jigs majigs, ŋe khyoraŋ skyobste borin, khyoraŋŋa solras chenmozhiŋ thobin."

² Innaŋ Abrammi lantaŋs, "Yawa, ŋe Tsoo, nyeraŋŋi solraspoe ŋaa ci phanthogs in? ɖa ɖugu medpa, Dameskhassi elizarla ŋe norskal tshaŋma thobbanog.

³ Nyeraŋŋi ŋaa ɖugu masal pasaŋ ŋe yogpo cigcig ŋe norskal lenkanbo gyurin."

⁴ Tene khoa yawe yaŋskyar molin tshor, "Man, khyoraŋŋi yogpo khyoraŋŋi norskal lenkanbo migyur. Innaŋ khyoraŋ raŋŋi butsha khyoraŋŋi norskal lenkanbo gyurin. ⁵ Yawe Abram kurri naŋne philogga khyoŋste mols, "Namkhaa stossaŋ, khyoraŋŋa skarmagun stsinyances ragga? Te skarma tsogs maŋpo khyoraŋŋi phorgyudgun gyurin."

⁶ Abrammi yaweka idshes cos pasaŋ yawe khoa ɖaŋpo mizhiŋ thea dzads.

⁷ Yawe khoa yaŋ mols, "Khyoraŋŋa i sakyadpo taŋcesla Babelonni naŋŋa yodkanni urne phiŋste khyoŋkan, ŋa yawa Konchog in."

⁸ Innaŋ Abrammi zers, "Yawa, ŋe Tsoo, i sakyadbo ŋe gyurin zerte ŋaa kazuggi gyuschen?"

⁹ Yawe khoa mols, "ɖaa lo sum chakanni Baalaŋ, Rama mo taŋ, lug pho yaŋ badagzhiŋ taŋ phurgonni ɖuguzhiŋ khyoŋ."

¹⁰ Abrammi yawaa molkanni semscangun khyoŋste, tegunni zugspo khagnyissi naŋŋa cadte ɖalli nyissi naŋŋa rigste bors, innaŋ cagun khagnyissi naŋŋa macads.

¹¹ Sha zakanni cagun sadkanni rogunnika babste yoŋs, innaŋ Abrammi tegunla ŋogste chacugs.

¹² Nyima skyodin yod zane Abramma maa nyid ŋantezhig yoŋs yaŋ khoe semspo jigsnaŋŋi gaŋspa kho ɗogs. ¹³ Tene yawe mols, "Ibo tantan in, khyoraŋŋi phorgyudgun zhanme yulli naŋŋa masheskanni mi tshulla dugin. Yaŋ teru tsheyog gyurte lo zhibgya khougunla maŋante nags stanin. ¹⁴ Innaŋ ŋe khougun tsheyogga luskanni te gyalkhabboa chadpa taŋin, yaŋ teboe stiŋne khougun te gyalkhabne gyunor maŋpo nyampo biŋste yoŋin. ¹⁵ Khyoraŋŋi skorla zerna, khyoraŋ lo maŋpo sonte luste zhide nyampo shiin. ¹⁶ Khyoraŋŋi phorgyudgun Mirabs zhipe stiŋne inna nasse naŋŋa logste yoŋin, ciazerna amorpagunni sdigpe lasgun, medkan cogoshessi tshad tshagpa taruŋ malebba innog.

¹⁷ Nyima skyod tsharte mundig sonŋe stiŋne Abramma dudpa biŋkanni zamazhig taŋ mee pambarzhig te semscanni ro khagnyis pudkangunni parpone skyodda thoŋ. ¹⁸ Tenna zhagga yawe Abram nyampo chaddonzhig coa dzadste mols, "Ŋe khyoraŋŋi phorgyudgunla Ijibbi ltsaŋspone Eupharatassi ltsaŋspo chenmo tshagpe sakyadbo taŋŋad, ¹⁹ kagun kenipe, kenaspe, kadmonpe, ²⁰ hedpe, perizpe, repheampe, ²¹ amorpe, Kenanpe, girgashpe taŋ yebaspe sakyadgun innog.

Hagar taŋ ishmael.

16:1 ne 16

16 ¹ Abrammi nama Saria ŋugu mane major, innaŋ khoa Hagar zerkanni Ijibma tsheyogzhig yodpin. ² Sarii Abramma zers, "Yawe ŋa ŋugu skye cugga madzadspa, khyoraŋŋi ŋe Ijibma tsheyog nyampo ɗelcos. Cigyus, kho gyudte ŋa ŋugu thobŋidces innog." Abrammi Sarii zerkanbo kanyans.

³ Tennaboephia Sarii, Ijibma tsheyog Hagar Abrammi nama nyispa cocesla taŋs (Ibo cuŋ zane Abram Kenanni yulli naŋŋa tshugste lo 10 chadpin). ⁴ Abrammi Hagar nyampo lusɗel borpa kho skyecesmazhig gyur. Tebo gyus chanaŋ, Hagar phosocan gyurte Saria kusra micoces gozugs. ⁵ Tene Sarii Abramma zers, "Hagarri ŋaa ŋanpa cocespo khyoraŋŋi skyon innog. Khyoraŋŋa ŋe ŋaraŋŋi tsheyogpo taŋspin yaŋ khoa skyecesmazhig gyurkanbo gyus chanaŋ, khoe ŋaa kusra coces phaŋs. Yawe ŋadaŋ nyiskoe naŋne noŋscanboa thimscad dzadshig."

⁶ Abrammi zers, "Stos, kho khyoraŋŋi tsheyog innog, khyoraŋ thadkanbo kho nyampo cos." Tene Sarii Hagarla gyalla macos pasaŋ kho te nassane shorte soŋ."

⁷ Ristonji nanja chumigshiggi dunla yawe phonya Hagar thuggala skyods (Te chumigpo shurri gyalammika yodpin). ⁸ Phonye mols, "Hagar, Sariii tsheyog, khyoraŋ kane yoŋspin, yaŋ karu chad?" Khoe zers, "Ŋa Sariii ŋe sponmone shorte chad."

⁹ Tene yawe phonye khoa mols, "Raŋji sponmo yodsa logste soŋ, yaŋ khoe waŋji yogga dug. ¹⁰ Ŋe khyoraŋji phorgyudgun stsi minyances maŋpo phelcugin."

¹¹ Yawe phonye yaŋskyar mols, "Khyoraŋ phancesmazhig innog, yaŋ khyoraŋja butshazhig jorin. Khyoraŋji khoe miŋja ishmael tog (Kaboe ton ni Konchoggi sanna dzads), ciazerna khyoraŋji sdugsŋalgun yawe sanna dzadte innog.

¹² Khyoraŋji butshabo nagtshogssi buŋbu tsogs skyoŋpo taŋ khaminyan yoŋin. Khoe mitshaŋmala yaŋ mitshaŋme khoa gyabgal coin. Kho khoranji spunla tshaŋma nyampo mane mithun.

¹³ Hagarri khoa zhalta salkanni yawaa yaŋtshanzhig nyampo bodda dzadte zers, "Nyeraŋ ni ŋaa zigskanni Konchog innog." Khoe sam "Ci ŋe ŋospoa ŋaa zigskanni Konchog jalte innogga?" ¹⁴ Tennaboephia te chudoŋboa, kadish taŋ berid doŋkhyerri parla yodkanni berlahiroi zerranog (Kaboe ton ni ŋaa zigskanni sonpo zhugskanni chudoŋ). ¹⁵ Abramma Hagar gyudte butshazhig skyes, yaŋ Abrammi khoa ishmael miŋja tags. ¹⁶ Hagarla ishmael skye zane Abramma lo 86 chadpin.